



NEGERI PERAK

Warta Kerajaan

DITERBITKAN DENGAN KUASA

GOVERNMENT OF PERAK GAZETTE

PUBLISHED BY AUTHORITY

Jil. 37
Bil. 8

12hb April 1984

TAMBAHAN No. 7
PERUNDANGAN

Pk. P.U. 11.

AKTA KERAJAAN TEMPATAN 1976

UNDANG-UNDANG KECIL KEBERSIHAN AWAM

(MAJLIS DAERAH KRIAN), 1983

PADA menjalankan kuasa-kuasa yang diberi oleh seksyen-seksyen 73 dan 102 Akta Kerajaan Tempatan 1976 Majlis Daerah Krian dengan ini membuat dan menurut seksyen 103 Akta tersebut, Pihak Berkuasa Negeri dengan ini mengesahkan undang-undang kecil yang berikut:

Akta 171.

1. Undang-undang kecil ini bolehlah dinamakan **Undang-Undang Kecil Kebersihan Awam (Majlis Daerah Krian) 1983** dan hendaklah dipakai hanya bagi kawasan Majlis Daerah Krian dan hendaklah disifatkan sebagai telah mula berkuatkuasa pada 1 haribulan Januari 1982.

Nama, pemakaian dan mula berkuatkuasa.

2. Dalam Undang-undang Kecil ini, melainkan jika kandungan ayatnya menghendaki makna yang lain—

Tafsiran.

“lebu” termasuklah sesuatu jalan, medan, siar-kaki, jalan lalu atau jalan susur sama ada jalantembus atau tidak, di atas mana orang ramai berhak lalu dan juga jalan di atas sesuatu jambatan, dan juga termasuklah sesuatu jalan, siar-kaki atau jalan lalu, halaman terbuka atau jalan kecil terbuka, yang digunakan atau dicadang untuk digunakan sebagai suatu jalan masuk kepada dua buah pegangan atau lebih, sama ada orang ramai berhak lalu di atasnya atau tidak, dan semua saluran, parit dan longkang di sisi mana-mana lebu hendaklah disifatkan sebagai sebahagian daripada lebu itu;

“jalan awam” ertinya mana-mana jalan yang di atasnya orang ramai ada hak lalu yang biasanya dibaiki atau disenggara oleh Majlis atau yang telah dipindahkan kepada atau yang telah diletakkan kepadanya di bawah mana-mana undang-undang atau dengan apa-apa cara yang lain;

“kemudahan awam” ertinya tandas, bilik air, jamban, tempat buang air kecil, jamban tarik, air, tempat mandi yang diisytiharkan oleh Majlis dari masa ke semasa;

“Majlis” ertinya Majlis Daerah Krian;

“premis” termasuklah mesuaj, rumah, bangunan, tanah, tenemen, ismen dan ditamen dari apa-apa pemegangan, sama ada terbuka atau terkepong, sama ada dibina atasnya atau tidak, sama ada yang awam atau persendirian dan sama ada disenggara atau tidak di bawah Pihak Berkuasa Berkanun;

“siarkaki” termasuklah lorongkaki-lorongkaki dan jalan kakilimajalan kakilima di sisi jalan;

“sampah-sarap kandang” ertinya najis atau air kencing kuda, lembu-kerbau, kambing biri-biri, kambing, atau babi dan benda-benda sapuan atau sampah-sarap atau saluran dari mana-mana kandang, kandang lembu-kerbau tempat-tempat memelihara, kambing biri-biri, kambing, babi, ayam-itik atau mana-mana bina-tang lain;

“sampah-sarap kebun” ertinya sampah-sarap daripada kebun dan aktiviti pertanian;

“sampah-sarap tred” ertinya sampah-sarap sesuatu tred, perbuatan atau perniagaan atau sampah daripada kemudahan bangunan;

“sampah-sarap premis” ertinya sampah-sarap yang terjadi akibat dari aktiviti premis dan tidak termasuk sampah-sarap tred, sampah-sarap kebun atau sampah-sarap kandang;

“bekas sampah-sarap awam” ertinya bekas sampah-sarap yang disediakan oleh Majlis untuk tujuan meletakkan sampah-sarap oleh pekerja Majlis;

“bekas sampah-sarap premis” ertinya bekas menyimpan sampah-sarap yang disediakan oleh pemunya atau penghuni sesebuah bangunan untuk tujuan meletakkan sampah-sarap premis;

“kenderaan” ertinya sebarang kenderaan sama ada yang digerakkan secara bersawat atau dengan cara lain.

Perkataan-perkataan “tempat awam” dan Yang Dipertua hendaklah mempunyai makna yang sama seperti yang diertikan di bawah seksyen 2 Akta Kerajaan Tempatan, 1976.

Meletak
sampah-sarap
premis di
atas lebu.

3. Tiada sampah-sarap, premis boleh diletakkan di atas lebu, jalan atau tempat awam kecuali mengikut cara yang diperuntukan selepas daripada ini.

Bekas sampah-
sarap premis
hendaklah di-
sediakan dan
disenggarakan.

4. (1) Penghuni tiap-tiap premis hendaklah menyediakan dan menyenggarakan bekas sampah-sarap dengan tutup rapat yang isipadunya tidak lebih daripada 0.08496 meter padu.

(2) Semua sampah-sarap premis hendaklah dimasukkan ke dalam beg plastik yang mana hendaklah diikat kuat-kuat sebelum dimasukkan ke dalam bekas sampah-sarap premis.

(3) Apa-apa kaca pecah, tin dan lain-lain benda yang tajam tepinya hendaklah dibungkus elok-elok dan dimasukkan ke dalam bekas gunahabis yang berasingan dan diletakkan dekat dengan bekas sampah-sarap dipungut.

(4) Bekas sampah-sarap premis bolehlah diletakkan di tepi arked atau beranda, di sebelah luar pagar, di lorong belakang atau di mana-mana tempat lain yang sesuai di dalam kawasan rumah untuk memudahkan pengosongan bekas itu oleh Majlis.

5. Majlis boleh menghendaki tuan punya mana-mana bangunan yang lebih dari satu tingkat menyediakan dengan secukupnya saluran sampah-sarap, alat dan ruang untuk sampah-sarap yang sesuai ukurannya.

Saluran
sampah-sarap.

6. Majlis boleh menyebabkan diadakan di tempat yang sesuai dan selesa seberapa banyak bekas sampah-sarap awam yang boleh dialih atau yang kekal di mana di dalamnya debu, kotoran, abu dan sampah yang dipungut oleh kenderaannya daripada bekas sampah-sarap premis boleh diletak secara sementara.

Bekas
sampah-sarap
awam.

7. Tiada sesiapa pun yang tidak diberi kebenaran boleh mencakar atau menggali di dalam atau mengalih apa-apa daripada atau menumpah atau menyelerakkan atau membiarkan terdedah apa-apa kandungan dari mana-mana bekas sampah-sarap awam, kenderaan sampah Majlis atau mana-mana bekas sampah-sarap premis yang diletak di mana-mana beranda atau mana-mana muka pintu atau pintu pagar atau di mana-mana lebuah atau jalan belakang.

menggali dari
bekas sampah-
sarap.

8. (1) Tiada sesiapa pun boleh meletakkan apa-apa najis, tahi atau sampah-sarap kebun atau sampah-sarap kandang atau bangkai, atau mayat di dalam bekas sampah-sarap premis atau awam.

Sampah-sarap
yang dilarang.

9. (1) Apa-apa kenderaan terbiar dan tidak diperlukan lagi dipindahkan oleh pemunya ke mana-mana satu daripada tempat membuang sampah.

Membuang
kenderaan
yang terbiar
dan tidak
berguna lagi.

(2) Yang Dipertua boleh memindahkan kenderaan dengan syarat pemunya membayar suatu fee.

10. Majlis boleh pada bila-bila masa mengenakan untuk semua premis di dalam sesuatu kawasan atau kawasan-kawasan yang dari masa ke semasa dinyatakan olehnya untuk tujuan Undang-undang kecil ini mana-mana sistem yang difikirkan munasabah untuk memungut dan mengalih oleh Majlis, najis, debu, kotoran, abu, sampah-sarap, sisa-sisa dan lain-lain sampah-sarap dari premis-premis berkenaan dan bayaran-bayaran yang dikenakan berkaitan dengan pungutan dan pengalihan itu adalah seperti dalam Jadual.

Sistem
pengalihan.

11. Tiada sesiapa pun yang tidak diberi kebenaran boleh mencakar atau menggali di dalam atau mengalih apa-apa sahaja benda dari sampah-sarap yang diletakkan di dalam mana-mana tempat membuang sampah Majlis.

Menggali
tempat mem-
buang sampah
Majlis.

12. Tiada sesiapa pun yang tidak diberi kebenaran meletakkan apa-apa di dalam atau di atas mana-mana tempat membuang sampah Majlis.

Mengguna
tempat mem-
buang sampah
Majlis.

13. Tiada sesiapa pun boleh merendam atau membasuh atau membenarkan pekerjaanya atau anggota rumahnya di bawah kawalannya merendam atau membasuh di dalam mana-mana sungai, terusan, tangki awam, longkang, parit atau anak sungai, mana-mana kulit haiwan, pakaian yang bercelup atau lain-lain bahan yang berkemungkinan menjadikan air sungai, terusan, tangki awam,

Pencemaran
sungai, dll.

longkang, parit atau anak sungai, berbau busuk atau merbahaya dan tiada sesiapa pun boleh tanpa kebenaran Yang Dipertua secara bertulis membiarkan mana-mana air di mana di dalamnya kulit binatang, pakaian yang bercelup atau benda-benda lain yang telah direndam atau dibasuh, mengalir atau menyalur ke dalam mana-mana sungai, terusan, tangki awam, longkang, parit atau anak sungai.

Pengotoran.

14. Tiada sesiapa pun boleh meletakkan atau membenarkan pekerja atau anggota rumahnya di bawah kawalannya meletakkan mana-mana tanah, habuk kayu, najis, air kencing, sampah-sarap-sampah-sarap, kandang sampah-sarap tred, kotoran atau apa-apa jenis bahan di atas mana-mana lebu, tempat awam atau lorong belakang, ke dalam mana-mana longkang atau ke dalam atau ke atas mana-mana kawasan lapang atau tanah di mana orang awam boleh melaluinya atau ke dalam atau ke atas tebing mana-mana sungai, terusan, anak sungai atau ke dalam atau ke atas mana-mana tepian pantai.

Tumpahan.

15. Tiada sesiapa pun boleh menumpahakan atau menyebabkan ditumpah atau membenarkan pekerjaanya menumpahakan apa-apa tanah, pasir, batu, kotoran atau apa-apa benda ke atas mana-mana lebu dari mana-mana bahagian sesuatu kenderaan di bawah kawalannya.

Anggapan.

16. Bagi maksud Undang-undang kecil ini tuan punya atau penghuni premis atau majikan di dalam hal pekerja atau tuan punya di dalam hal kenderaan hendaklah dianggap sebagai telah membenarkan atau menyebabkan melakukan kesalahan jika kesalahan-kesalahan itu adalah dilakukan oleh pekerja atau ahli rumahnya di bawah kawalannya atau oleh kenderaannya.

Halangan parit
kacau ganggu,
dll.

17. (1) Tiada sesiapa pun boleh menghalang mana-mana parit awam atau membina apa-apa tangga, jambatan atau titian merintang mana-mana parit awam, kali atau terusan tanpa kebenaran bertulis dari Majlis dan mengikut arahan Majlis.

(2) Tiada sesiapa boleh melakukan kacau ganggu dengan membuang najisnya di atas atau pada mana-mana lebu, lorong belakang, siar-kaki, arked atau pada mana-mana tanah atau kawasan lapang di mana orang awam boleh melaluinya atau ke dalam atau pada tebing mana-mana sungai, terusan, parit, tepian pantai atau anak sungai atau membenarkan mana-mana kanak-kanak di bawah umur 12 tahun di bawah jagaannya atau kawalannya melakukan kacau ganggu tersebut.

(3) Bagi maksud perenggan (2) undang-undang kecil ini seseorang yang mempunyai jagaan atau kawalan ke atas kanak-kanak itu hendaklah dianggap telah membenarkan kanak-kanak tersebut melakukan kesalahan berkenaan bila mana kanak-kanak tersebut melakukan kesalahan itu.

18. Tiada sesiapa pun boleh memandu mana-mana kenderaan yang membawa batu, bahan yang berat, tanah, batu-bata atau apa-apa bahan yang lain tanpa penjagaan yang sempurna terhadap benda-benda ini dari jatuh ke atas lebu.

Mutasan
hendaklah di-
jaga dengan
sempurna.

19. Setiap tuan punya atau penghuni di dalam kawasan di mana tanah atau premisnya terdapat mana-mana binatang yang mati hendaklah dengan perbelanjaannya sendiri dalam masa empat jam selepas kematiannya atau jika kematian berlaku pada malam hari dalam masa empat jam selepas siang, mengalih dan menanam bangkai itu atau mengaturnya untuk Majlis membuangkannya dan mana-mana perbelanjaan bagi maksud itu hendaklah diperolehi daripada tuan punya atau penghuni.

Pembuangan.

20. Tiada seorang pun boleh meletakkan atau menyebabkan diletakkan mana-mana mayat atau bangkai atau mana-mana bahagian mayat atau bangkai di atas mana-mana lebu, tempat awam atau lorong belakang atau ke dalam mana-mana parit, sungai atau anak sungai atau di atas tebing mana-mana sungai, anak sungai atau terusan di dalam kawasan Majlis atau di tepi pantai.

Meletak mayat di atas lebu di.

21. Jika mana-mana rumah, tembok, beranda atau bahagian mana-mana rumah, pokok atau apa-apa jenis runtuhan jatuh di atas mana-mana jalan awam, tempat awam atau lorong belakang, pemunya premis itu hendaklah dengan serta-merta mengalih benda yang jatuh itu dan jika tuan punya mengabaikannya Majlis boleh mengalihkannya dan apa-apa perbelanjaan yang dibelanjakan kerana itu hendaklah dibayar oleh pemunya.

Pengalihan runtuhan.

22. Tiada sesiapa pun boleh meletakkan apa-apa tali, wayar, kertas tebal atau tiang merintang di mana-mana lebu, tempat awam atau lorong belakang tanpa kebenaran bertulis dari Majlis.

Memasang tali dll. di jalan awam.

23. Tiada sesiapa pun boleh di mana-mana lebu atau lorong belakang bermain layang-layang.

Bermain layang-layang.

24. Penghuni atau jika tidak didiami, pemunya mana-mana tanah di mana di atasnya ada pagar pohon yang bersetempat di mana-mana lebu di dalam kawasan Majlis hendaklah menjaga pagar pohon itu dengan dipotong dan dipangkas supaya tidak menghalang lebu dan di dalam keadaan di mana penghuni atau pemunya itu gagal mematuhi notis bertulis dari Majlis yang telah disampaikan kepadanya, Majlis boleh menyebabkan pagar pohon itu dipotong, dipangkas dan dibuang potongan-potongan itu dan boleh menuntut perbelanjaan kerana itu dari penghuni atau pemunya.

Pagar pohon perlu dipotong dan pangkas.

25. Tiada sesiapa pun boleh membawa turun, mengganggu, meminda atau mengalih apa-apa notis, pagar sekatan, bar, rantai atau tiang atau memadamkan atau mengalih atau mengganggu mana-mana lampu yang diletak di mana-mana lebu, tempat awam atau lorong belakang untuk tujuan keselamatan atau kesenangan awam untuk mencegah atau mengawal laluan orang berjalan kaki, basikal, kenderaan atau binatang, semasa mana-mana lebu, tempat awam atau lorong belakang sedang atau memerlukan pembaikan atau semasa apa-apa kerja lain sedang dijalankan oleh atau di bawah perintah Majlis.

Alat keselamatan lebu tidak boleh dialih.

26. Tiada sesiapa pun boleh di atas mana-mana lebu, tempat awam atau lorong belakang atau mana-mana bahagiannya meletak atau meninggalkan apa-apa benda atau barang apa pun yang

Halangan.

berkemungkinan menyebabkan penghalangan atau meletakkan mana-mana bidai, kajang atau lain-lain unjuran merintang tanpa kebenaran bertulis dari Majlis dan bila mana kebenaran itu diberi alat-alat itu hendaklah dijaga dengan bersih, dalam keadaan baik dan dijaga dengan sempurnanya.

Kereta lembu dan kerbau.

27. Setiap pembawa yang dalam jagaannya sesebuah kereta lembu atau kerbau hendaklah membawa sebuah bakul dan dengan cara ini mengambil semua langkah yang munasabah menghalang peninggalan najis di atas jalan awam.

Menambat binatang.

28. Tiada sesiapa pun boleh menambat binatang atau meninggalkan apa-apa kereta atau membuat perkhemahan di atas mana-mana lebuah atau tempat awam tanpa kebenaran bertulis Majlis dan mengikut arahan-arahannya.

Benda-benda tidak boleh diletak di atas jalan awam dll.

29. Tiada sesiapa pun boleh dengan sendirinya atau ejennya atau pekerjaanya meletakkan atau menyebabkan diletakkan apa-apa habuk kayu, ikan kering, sirip yu, beche-de-mer, tepung udang, belacan, buah pinang atau apa-apa barang lain yang berkemungkinan menyebabkan penghalangan di atas mana-mana lebuah, tempat awam, lorong belakang, kaki lima, arked, di atas mana-mana kawasan lapang di mana orang awam melaluinya atau ke dalam mana-mana parit. Mana-mana benda-benda yang diletakkan sedemikian atau menyebabkan diletakkan sedemikian boleh dialih dan dimusnahkan oleh Majlis tanpa merujuknya kepada pemunya.

Benda-benda tidak boleh dijemur di atas jalan awam.

30. Tiada sesiapa pun boleh, dengan sendirinya atau ejennya atau pekerjaanya menjemur atau menggantung atau meletak untuk tujuan menjemur apa-apa kain atau pakaian, perca kain, layar, kulit binatang, bulu burung, tulang-tulang, kayu api atau apa-apa benda lain di atas mana-mana pagar pohon, pagar susuran tangga, pagar papan di sekeliling dinding atau bangunan awam atau kepunyaan-Majlis di atas tebing mana-mana sungai, terusan, parit atau longkang atau di atas mana-mana lebuah, terusan kaki lima, arked atau lorong belakang atau di atas mana-mana tanah lapang di mana orang ramai dapat melaluinya.

Bangkai binatang.

31. Tiada bangkai dari apa-apa binatang boleh dipotong di atas mana-mana lebuah, tempat awam, atau lorong belakang.

Pembinaan longkang di jalan awam, dll.

32. Tiada sesiapa pun boleh membina apa-apa saluran atau membawa air melalui apa-apa saluran merintang laluan awam kecuali dengan cara yang terlebih dahulu hendaklah diluluskan oleh Majlis secara bertulis dan tiada seorang pun boleh mengubah mana-mana kali awam atau anak sungai di dalam kawasan Majlis untuk tujuan apa-apa pun tanpa kebenaran bertulis oleh Majlis terlebih dahulu.

Pelekat tidak boleh ditampal tanpa kebenaran.

33. Tiada sesiapa pun boleh dengan sendirinya atau ejennya atau pekerjaanya tanpa kebenaran bertulis Majlis terlebih dahulu menampal apa-apa iklan, pelekat, notis atau apa-apa kertas pada atau di mana-mana bangunan, tembok, pagar susuran tangga, pagar pohon, tiang atau pokok dengan kapur, cat atau dengan apa cara sekali pun. Apa-apa tambahan yang tidak dibenarkan kerosakan atau tanda boleh dialih oleh Majlis dan perbelanjaan yang dikenakan kerananya hendaklah dibayar oleh orang yang telah engkar itu.

34. (1) Tiada sesiapa pun selain dari pekerja yang dibenarkan atau ejen Majlis boleh, tanpa kebenaran bertulis Majlis terlebih dahulu mengalih najis dari mana-mana tandas yang terletak di dalam kawasan di mana sistem pengalihan najis dipakai oleh Majlis. Pengalihan najis.

(2) Pemunya mana-mana tandas hendaklah, jika dikehendaki oleh Yang Dipertua membina dan mengatur semula tandas itu sehingga memuaskan hati yang Dipertua.

(3) Penghuni sesebuah rumah hendaklah, jika dikehendaki secara bertulis oleh Yang Dipertua, mengadakan atau membaharui baldi tandas dan alat-alat yang lain yang ukuran bentuk dan bahan seperti yang dinyatakan oleh Yang Dipertua. Tandas, baldi dan bahan-bahan yang lain boleh disediakan atau diperbaharui oleh Majlis dengan perbelanjaan penghuni berkenaan kepada siapa alat-alat tersebut dibekalkan apabila penghuni itu gagal menyediakan atau membaharuinya di dalam tempoh yang ditentukan oleh Yang Dipertua secara bertulis.

(4) Kemasukkan secara bebas hendaklah dibenarkan ke setiap rumah dan bangunan di dalam kawasan pengalihan najis kepada ejen-ejen dan pekerja-pekerja Majlis untuk tujuan memungut dan mengalih najis di antara jam 10.00 malam hingga 6.00 pagi.

35. (1) Tiada sesiapa pun boleh mandi di dalam tempat kemudahan awam kecuali di tempat mandi yang dikhususkan untuk tujuan itu. Mandi atau membasuh pakaian di tempat awam.

(2) Tiada sesiapa pun boleh menggunakan mana-mana tempat kemudahan awam untuk tujuan membasuh pakaian.

36. Tiada sesiapa pun boleh merosakkan, atau membuat apa-apa perubahan terhadap bangunan, alat-alat atau paip air di dalam mana-mana tempat kemudahan awam atau mencuri darinya apa-apa yang menjadi sebahagian dari kemudahan itu. Penghianatan.

37. Tiada sesiapa pun yang tidak diberi kebenaran boleh mengambil air untuk apa-apa tujuan sekalipun dari mana-mana tempat kemudahan awam. Air dari tempat kemudahan awam.

38. Sesiapa yang menjadi tuan punya atau orang yang dalam jagaannya mana-mana lembu, kerbau, keldai, kambing biri-biri, kambing atau babi, membenarkan binatang itu berada di atas mana-mana lebu. di dalam had kawasan Majlis atau membawa atau menyebabkan dibawa mana-mana binatang itu tinggal berada di atas mana-mana lebu atau mana-mana tempat awam atau harta persendirian di dalam kawasan Majlis adalah bersalah melakkan satu kesalahan di bawah undang-undang kecil ini. Binatang di sepanjang lebu, dll.

39. Tiada najis, air kencing, ikan yang reput, bahan binatang yang busuk atau beras yang reput atau benda-benda lain yang mengeluarkan bau busuk boleh dibawa sepanjang atau di atas mana-mana lebu di dalam kawasan Majlis melainkan di dalam bekas yang kedap udara dan kedap air yang diluluskan oleh Majlis. Pengalihan benda yang mengeluarkan bau busuk.

40. Mana-mana orang yang mengalih mana-mana benda yang mengeluarkan bau busuk hendaklah menyediakan bekas itu dengan perbelanjaan mereka sendiri. Tiada bekas berkenaan yang mengandungi benda yang mengeluarkan bau busuk itu boleh dibawa melalui, di sepanjang atau di atas mana-mana lebu di dalam kawasan Orang yang mengalih benda yang mengeluarkan bau busuk.

Majlis kecuali bekas itu dikedap air dan bebas dari lubang-lubang dari mana kandungannya atau bau busuk boleh terlepas keluar dan kecuali penutup bekas itu ditutup dengan sempurna.

Penalti.

41. Mana-mana orang yang melanggar mana-mana undang-undang kecil ini adalah bersalah atas suatu kesalahan dan apabila disabitkan boleh dikenakan denda tidak lebih daripada dua ribu ringgit atau penjara selama tempoh tidak lebih daripada satu tahun atau denda dan penjara itu kedua-duanya dan mengenai sesuatu kesalahan yang berterusan boleh dikenakan denda tidak lebih daripada dua ratus ringgit bagi tiap-tiap satu hari selama tempoh kesalahan itu diteruskan selepas sabitan.

Pemansuhan
FMS G.N.
3797/35
FMS G.N.
134/37.

42. Bahagian III Undang-undang Kecil Lembaga Bandaran 1935 sebagaimana yang dipakai oleh Majlis Daerah Krian adalah dengan ini dimansuhkan.

Diperbuat pada 26hb Februari 1983.
[MDK 372/81; PU Pk. 36/76.]

MOHD. SHARIFF BIN NOORANI,
Yang Dipertua,
Majlis Daerah Krian

Disahkan pada 18hb Januari 1984.
[PSUK Pk. 21149 Jld. 2.]

MOHD. SHAHAR BIN HI. ALANG SAIDIN,
Setiausaha,
Majlis Mesyuarat Kerajaan, Perak

(Undang-undang Kecil 10)

- | | |
|-----------------------------------|--------------------------------------|
| (1) Mengangkut Sampah ... | \$30.00—\$50.00. |
| (2) Mengangkut Najis (Jenis Tong) | \$10.00—sebulan tiap-tiap satu tong. |